

**ARXIVLARNING PAYDO BO`LISH TARIXI. O`ZBEKISTONDA  
ARXIVLARNING VUJUDGA KELISH TARIXI**

*Shukurov Toxir Alimjon o'g'li  
Qarshi davlat universiteti 1-kurs magistranti*

**Annotatsiya :** Ushbu maqolada arxiv tushunchasi qanday ma`no anglatishi , yurtimizda arxivlarning vujudga kelishi va bugungi kundagi faoliyati haqida batafsil ma'lumot berilgan.

**Kalit so`zlar:**Arxiv, Craig Robertson, A.A.Semyonov , . V. Chernyayev, S.Tolstov, O`zbekiston Respublikasi Milliy arxiv fondi (O`zMAF ), PF-5834-son Farmoni, PQ-4463-son Qarori, “O`zarxiv”

Insoniyatning tamadduniy davrlari turli jabhalarni qamrab olgan iqtisodiy, ijtimoiy, siyosiy, huquqiy munosabatlarni hujjatlarsiz tasavvur etish qiyin. Besh ming yildan oshibdiki, yozuv madaniyati bilan yonma-yon hujjatchilik amaliyoti davom etib kelmoqda. Qadimiylar o`zlarining ijtimoiy funksiyalarini bajarish jarayonida turli hujjatlar ( qonunlar, farmonlar, mulk va soliq hisobotlari va h ) yaratish hamda ularni saqlashga ehtiyoj sezdilar. Shu tariqa hujjatlarni saqlaydigan muassasalar – arxivlar paydo bo`ldi.

Arxiv ( lot.archivum,

yun .archeion – muassasa )- 1) hujjatlar saqlanadigan joy; 2) idoralar, tashkilotlar, shuningdek ayrim shaxslar ish faoliyati davomida to`plangan hujjatlar majmui. Dastlab aynan hozirgi ma`nosida emas balki boshqacha ma`noda qo`llanilgan bo`lgan. Xorijlik arxivshunos olim Craig Robertson muallifligidagi ( Media History and the Archive. – New York .Routledge, 2011 ) asarining birinchi paragrafi “ Arxiv haqidagi fikrlar va tarix haqida chizgilar “ deb nomlanadi. Muallif ushbu asarda arxiv tushunchasiga quyidagicha ta`rif beradi : - “ Arxiv tushunchasi yaqin yillar ichida arxivshunos bo`lmagan insonlarning ham ilmiy tahlillari uchun doimiy mavzuga aylandi. Albatta buning hayron qoladigan yeri yo`q. Chunki, olimlar o`z izlanishlarida arxivga doimiy manba sifatida qarashlari boshlandi. ( Craig Robertson. Media History and the Archive . – New York. Routledge , 2011. – B.8 ) Bugungi kunda ko`pgina tarixchilar va arxivshunoslar orasida Rossiya istilosiga qadar “ O`rta Osiyo davlatlarida hech qanday arxiv bo`lmagan “ degan nuqtayi nazar yashab kelgan. Taniqli sharqshunos olim A.A.Semyonov 1922-yilda quyidagilarni yozgan edi :“ Musulmon sharqida, umuman Turkistonda biz tushunadigan ma`nodagi arxivlarni tasavvur qilolmaydilar, negaki idoraviy ishlar nihoyatda boshqacha tarzda olib borilgan “. A. V. Chernyayev esa o`zining “SSSRda arxiv ishi va uni tashkillashtirish tarixi “ nomli o`quv qo`llanmasida to`g`ridan to`g`ri 1917-yilga qadar “ O`rta Osiyo davlatlarida hech qanday arxiv bo`lmagan “ deb yozadi. Yo`q bu to`g`ri emas O`rta Osiyoda qadimgi zamonlardan

buyon arxivlar mavjud bo`lgan. O`rta Osiyoda qadimgi arxivlarning paydo bo`lishi bu yerda ilk davlatlarning vujudga kelishi hamda yozuvning tarqalishi bilan bog`liqdir. O`rta Osiyoda xo`jalikning rivojlanib borishi, davlatchilikning rivojlanib borishi, davlatchilikning shakllanishi natijasi o`laroq turli xo`jalik, soliq va yuridik hujjatlar yaratila boshlandi. Ayni paytda bu hujjatlarni ma`lum muddat davomida yoki doimiy ravishda saqlashga ehtiyoj tug`ildi. Natijada hujjatlarni saqlashga mutassadi bo`lgan shaxslar va muassasalar paydo bo`ldi. Bu muassasalar bugungi kunda arxivlar deb ataladi. Vatanamiz hududida qadim zamonlarda arxivlarning mavjud bo`lganligi 1948-1950-yillarda Xorazmdagi Tuproqqa`a xarobasida S.Tolstov boshchiligidagi olib borilgan arxeologik qazishmalar paytida isbotlandi. Bu yerda milodiy III-IV asrlarga oid xorazm tilida yozilgan 100 ga yaqin hujjat topilgan. Shunday qilib hozirgi kundagi arxivlar nechi ming yillik tarixga ega.

Bugungi kunda Vatanimizning turli davrlardagi ijtimoiy- iqtisodiy va siyosiy hayotini birlamchi manbalar asosida izchil va haqqoniy o`rganish, chinakam tarixni ochib beruvchi manbalarga tayangan holda yoritish va zarur xulosalar chiqarishga e`tibor kuchaydi. Shu bois, yurtimizning turli davrlardagi hayotini o`rganishda arxivlarda saqlanayotgan jamg`arma hujjatlarning o`rni beqiyosdir. O`tmishda sodir bo`lgan ijtimoiy, iqtisodiy, siyosiy jarayonlarni, sodir bo`lgan voqealarni arxiv materiallari asosida o`rganish o`sha davr hayotining haqiqiy mazmun mohiyatini ochib berishda asosiy o`rin tutadi. Arxivlarda saqlanayotgan hujjatlar tarixiy tarqqiyot jarayonida jamiyat a`zolari to`plagan boy intellektual merosni jamlagan bo`lib, o`tmishni kelajak avlod bilan bog`lab turuvchi qimmatli manbadir. Jamiyat va shaxsning tarixini bilishga qiziqishi ortib borayotgan bugungi kunda, zamonaviy hayotni arxivlashtirish zarurati kechayotgan hozirgi zamonda arxiv manbashunosligiga e`tibor oldingi o`ringa chiqqanini ta`kidlash zarur. O`zbekiston mustaqillikga erishgach jamiyatimizning barcha sohalarida, jumladan arxiv ishini rivojlanish sohasida ham tub o`zgarishlar sodir bo`ldi. Davlat va nodavlat arxiv fondlari O`zbekiston Respublikasi Milliy arxiv fondi (O`zMAF)ga aylantirildi. O`zbekiston Respublikasi hukumati arxiv ishi bo`yicha Qonun va me`yoriy hujjatlar ishlab chiqildi. 1999-yil 15-aprelda O`zbekiston Respublikasi Oliy Majlisi “ Arxivlar to`g`risida “ Qonun va O`zbekiston Respublikasi Vazirlar Mahkamasi 1999-yil 30- oktabrda “ Arxiv ishi bo`yicha me`yoriy hujjatlarni tasdiqlash to`g`risida” gi 482-sonli Qaror qabul qilindi. Respublikada arxiv sohasida amalga oshirilayotgan islohotlar arxivlar to`g`risidagi Qonunni qayta ko`rib chiqish va takomillashtirish ehtiyojini yuzaga keltirdi. Natijada 2010-yil 15-iyunda “ Arxiv ishi to`g`risida “ gi O`zbekiston Respublikasi Qonuni qabul qilindi. Ayniqsa, 2019-yil 20- sentabrda O`zbekiston Prezidentining “ O`zbekiston Respublikasida arxivlar ishi va ish yuritishni takomillashtirish chora-tadbirlari to`g`risida” gi PF-5834-sod Farmoni [1] va “ O`zbekiston Respublikasi “ O`zarxiv” agentligi faoliyatini takomillashtirish

to`g`risida”gi PQ-4463-son Qarori [2]ning qabul qilinishi bu sohada chuqur islohotlarni boshlab berdi. Darhaqiqat,

O`zbekiston Respublikasi Markaziy Davlat Arxivni ko`plab noyob hujjatlar jamlangani bilan bugungi kunda dunyo arxivlari orasida ajralib turadi. Hozirgi kunda O`zbekiston Respublikasida 80 dan ortiq davlat arxivlari bo`lib, ularda 6 mln yig`majildlardan ziyod hujjatlar asrab-avaylab saqlanmoqda. Hozirgi kunda 9-iyun O`zbekiston Respublikasi hududida Xalqaro arxivlar kuni sifatida nishonlab kelinadi.

Har bir shaxsning hayoti va faoliyati davomida uning ixtiyorida uning ixtiyorida ma`lum hujjatlar to`planadi. Bu hujjat va materiallar o`sha fuqaroning shaxsiy arxivini tashkil etadi. Unday arxivlar garchi fuqaroning shaxsiy mulki bo`lsa-da, ularda davlat ahamiyatiga molik hujjatlar saqlanishi ehtimoldan holi emas. Shuning uchun ham bunday hujjatlar ekspertiza qilinganidan so`ng O`zbekiston Milliy arxivi fondiga bunday hujjatlarning egalarining saqlanishini ta`minlashlari zarur. Aslini olganda, arxiv hujjatlarida davrning jonli nafasi ufurib turadi. Bu esa Vatanimizning tarixini o`rganishda va zarur xulosalar chiqarishda birlamchi manba bo`lib xizmat qiladi. O`zbekiston Respublikasi Markaziy Davlat arxivida saqlanayotgan qimmatli va noyob hujjatlarni o`rganish va ilmiy muomalaga kiritish, O`zbekiston tarixini haqqoniy va xolis yoritishga asos bo`ladi.

Xulosa qilib shuni aytish mumkinki, hozirgi kunda O`zbekiston davlat, idoraviy va shaxsiy arxivlar mavjud bo`lib, bu arxivlarda respublikamizning o`tmishi va hozirgi kunini o`zida aks ettirgan beباho hujjatli manbalar saqlanmoqda. Ularni nes-nobud qilmasdan kelajak avlodlarga yetkazish arxiv xodimlari va barcha fuqarolarning muqaddas burchi.

### Foydalanilgan adabiyotlar:

1. O`zbekiston Respublikasi Prezidentining “O`zbekiston Respublikasida arxivlar ishi va ish yuritishni takomillashtirish chora- tadbirlari to`g`risida “2019-yil 20-sentabrdagi PF-5834-son Farmoni “Xalq so`zi”, 2019-yil 21-sentabr .
2. O`zbekiston Respublikasi Prezidentining “O`zbekiston Respublikasi “O`zarxiv“ agentligi faoliyatini takomillashtirish to`g`risida “gi PQ-4463-son qarori. “Xalq so`zi” . 2019-yil 21-sentabr.
3. O`zME. Birinchi jild . Toshkent , 2000-yil.
4. Is`hoqov.M.M. Alimova .R.R. Arxivshunoslik. O`quv qo`llanma. T., 2017.
5. Alimov.I., Ergashev. F., Bo`tayev. A. Arxivshunoslik. O`quv qo`llanma. T.: Sharq, 1997.
6. Alimov. I.A. Arxivshunoslik. O`quv qo`llanma. T.: Cho`lpon, 2007.
7. O`zarxiv agentligi rasmiy sayti. [www.archiv.uz](http://www.archiv.uz)